

**PROGRAM  
UTROŠKA SREDSTAVA  
„TRANSFER - POTICAJ ŠUMAMA U SKLADU SA ZAKONOM O ŠUMAMA“  
UTVRĐENIH BUDŽETOM  
SREDNJOBOSANSKOG KANTONA/KANTONA SREDIŠNJA BOSNA  
SA KRITERIJIMA RASPODJELE SREDSTAVA ZA 2018. GODINU**

**A. SVRHA PROGRAMA**

Prema članu 54. Zakona o šumama ("Službene novine SBK": broj: 5/14; 12/15; 8/16), radi ostvarivanja općeg interesa i dugoročnih ciljeva održivog gospodarenja šumama utvrđenih šumskogospodarskim osnovama, prikupljaju se finansijska sredstva za zaštitu i unapređenje stanja postojećih i podizanja novih šuma i za ruralni razvoj.

Odlukom Vlade Kantona broj: 01-02437/16 od 17.06.2016. godine usvojen Akcioni plan za uspostavu posebnog režima gospodarenja šumama u zonama sanitarne zaštite izvorišta vode za piće Kruščica, te su Odlukom Vlade Kantona broj: 01-02-518/2018 od 13.07.2018. godine, šume u zonama sanitarne zaštite izvorišta vode za piće Kruščica proglašene šumama posebne namjene sa izraženom vodozaštitnom funkcijom.

Tačkom 2.1. Akcionog plana i tačkom VI Odluke o proglašenju, a da bi se obezbijedio pravilan pristup u realizaciji odredbi istih i utvrdili efekti primjene predviđenih ograničavajućih aktivnosti i mjera u praksi, neophodno je pristupiti izradi i realizaciji projekta za izvođenje radova u šumama posebne namjene, kao pokaznog-pilot projekta, te u svim fazama izrade i realizacije istog, obezbijediti stručno praćenje kroz učešće u projektu vrhunskih stručnjaka najvišeg akademskog zvanja iz oblasti uređivanja šuma, iskorišćavanja šuma i projektovanja i građenja u šumarstvu, i osigurati aktivno učešće svih interesnih strana.

**B. VISINA SREDSTAVA I IZVORI SREDSTAVA**

Finansijska sredstva se obezbjeđuju iz naknada po osnovu člana 54. stav 2. Zakona o šumama, te se ista u skladu sa članom 55. i članom 56. Zakona, uplaćuju kao namjenska sredstva na račun budžeta kantona.

Ova sredstva obezbjeđuju se iz:

- Naknada za obavljanje stručnih poslova u privatnim šumama;
- Naknada za korištenje državnih šuma;
- Naknada za izdvajanje dijelova državnih šuma iz šumskogospodarskih područja;
- Naknada u postupku promjene namjene šuma i šumskog zemljišta (krčenja šuma);
- Naknada po osnovu zakupa državnog šumskog zemljišta;
- Naknada po osnovu uspostave prava služnosti na državnom šumskom zemljištu;
- Naknada za općekorisne funkcije šuma;
- Ostalih izvora shodno ovom Zakonu i iz drugih izvora.

U skladu sa članom 57. Zakona o šumama, iz namjenskih sredstava prikupljenih u budžetu kantona po navedenom osnovu, moguće je finansirati sljedeće poslove:

- rad čuvarske službe;
- izrada i revizija kantonalnog šumskograzvojnog plana;
- izrada šumsko privrednih osnova za privatne šume i nadzor nad prikupljanjem podataka za izradu šumsko privrednih osnova za državne i privatne šume;

- biološka obnova šuma u obimu većem od onog koji je predviđen šumsko privrednom osnovom;
- obnova šuma od posljedica elementarnih nepogoda, prenamnoženja insekata, požara i slično;
- unapređenje proizvodnje šumskog reproduktivnog materijala;
- gospodarenje šumama koje su od vitalnog interesa shodno stavu 3. člana 18. ovog Zakona
- organizovanje tehničkih specijalističkih kurseva iz oblasti šumarstva;
- očuvanje i unapređenje bioraznolikosti šumskih ekosistema;
- očuvanje i unapređenje genofonda, rijetkih i ugroženih vrsta šumskog drveća
- znanstvena istraživanja i stručne analize
- izgradnja i održavanje šumskih putova
- ostale namjene za unapređenje šuma
- deminiranje šumskih površina i šumskog zemljišta kontaminiranih minama i neeksplozivnim ubojitim sredstvima

Strategijom razvoja Srednjobosanskog kantona za period 2016.-2020. godine, utvrđeni su prioritetni ciljevi za unapređenje sektora šumarstva:

### **1. Ojačati privredni sektor održivim korištenjem raspoloživih potencijala, prirodnih resursa, naslijeđa i tradicije**

#### **1.2. Unaprijediti zaštitu i korištenje šuma**

##### **1.2.1 Održivo gospodarenje šumama u skladu sa standardima EU**

- Unaprijediti gospodarenje šumama i zaštitu šuma
  - 1.2.1.1 Izrada programa razvoja šumarstva na području SBK
  - 1.2.1.2 Uvođenje certifikacije po FSC standardu u Šumama SBK
  - 1.2.1.3 Pošumljavanje ogoljenog i erozivnog zemljišta na lokacijama klizišta
  - 1.2.1.4 Deminiranje šumskih površina
  - 1.2.1.5 Suzbijanje nelegalne sječe šuma kroz pojačani inspekcijski nadzor

##### **1.2.2 Promocija značaja šuma i korištenja nedrvenih šumskih proizvoda**

- Unaprijediti svijest o značaju šuma
  - 1.2.2.1 Demonstriranje i edukacija o tehnikama upravljanja požarima
  - 1.2.2.1 Promocija i edukacija za korištenje nedrvenih šumskih proizvoda ( ljekovito bilje, šumsko voće, lovstvo, i t.d. )
  - 1.2.2.2 Razvijanje svijesti javnosti o značaju šuma i mogućim negativnim posljedicama deforestacije i degradacije šuma

### **3. Unaprijediti postojeću okolišnu infrastrukturu, kvalitete povezanih usluga, i stanje okoliša**

#### **3.3 Zaštita i sanacija okolišnih komponenti**

##### **3.3.3 Sanacija crnih tačaka**

- Smanjenje pritiska na okoliš sanacijom lokacija koje predstavljaju rizik po okoliš i stanovništvo, te poboljšanje kvalitete voda i tla
  - 3.3.3.1 Subvencija sanacija opštinskih i divljih deponija

Budžetom Srednjobosanskog kantona za 2018. godinu, u članu 3. razdjel 19, glava 02, ekonomski kod 614 100, predviđen je "Tekući prijenos sredstava" za program „Poticaj šumama u skladu sa Zakonom o šumama“ u iznosu 35.000,00 KM Shodno članu 57. stav 2. Zakona o šumama, za iznos sredstava utvrđen Budžetom Kantona u tekućoj godini u svrhu korištenja namjenskih sredstava koja su prihod

Kantona, Kantonalna uprava za šumarstvo je u obavezi da pripremi program utroška sredstava.

### **C. KRITERIJI ZA DODJELU SREDSTAVA**

Poštujući zakonske propise o utrošku namjenskih sredstava prikupljenih po osnovu naknada za zaštitu i unapređenje stanja postojećih i podizanja novih šuma i ruralni razvoj, Kantonalna uprava za šumarstvo u okviru programa „Transfer-poticaaj šumama u skladu sa Zakonom o šumama“, iz Budžeta SBK za 2018. godinu, podržat će aktivnosti na:

- Izradi Programa gospodarenja šumama posebne namjene sa izraženom vodozaštitnom funkcijom u zonama sanitarne zaštite izvorišta vode za piće Krušćica (šume posebne namjene).
- obilježavanju vidljivim znakovima na terenu granica šume posebne namjene
- izradi projekta za izvođenje radova u šumama posebne namjene, kao pokaznog-pilot projekta, u dijelu koji se odnosi na obezbjeđenje učešće u projektu vrhunskih stručnjaka najvišeg akademskog zvanja iz oblasti uređivanja šuma, iskorišćavanja šuma i projektovanja i građenja u svrhu vođenja i stručnog praćenja svih aktivnosti na izradi navedenog projekta

Uvažavajući nivo dozvoljenih aktivnosti i ograničenja njihove primjene po pojedinim zaštitnim zonama definisanih stručnim šumarskim elaboratom (Elaborat o gospodarenju šumama u zonama sanitarne zaštite izvorišta vode za piće Krušćica, općina Vitez), i Odlukom o proglašenja šuma posebne namjene, pokaznim-pilot projektom minimalno je potrebno obuhvatiti:

- izradu detaljne metodike rada na izradi izvedbenih projekata za realizaciju biotehničkih mjera u redovnom gospodarenju šumama posebne namjene
- izradu pilot projekat, koji će demonstrirati ograničavajuće odredbe elaborata u različitim zonama sanitarne zaštite, različitog indeksa osjetljivosti tla i u različitim tehnološkim klasama terena i u primjeni definisanog sistema gospodarenja šumama, i demonstrirati odredbe istog, na terenu.
- izradu uputstva-metodike izrade izvedbenog projekta, sa definisanim obaveznim sadržajem, tabelama i kartama, i pojašnjenjima za svaki pojedini postupak, i kalkulacijom očekivanih troškova rada
- izradu izvedbenih projekata i metodskih postupaka izvršiti uz korištenje savremene informacione tehnologije (QGIS i GPS) i dostupnih geo podataka, uključujući odgovarajuću obuku neophodnog broja izvršilaca (inžinjera iz preduzeća šumarstva i Uprave za šumarstvo)
- demonstraciju adekvatnog sistema gospodarenja uz doznaku stabala za sječu provesti na terenu uz prethodnu obuku neophodnog broja izvršilaca (inžinjera iz preduzeća šumarstva i Uprave za šumarstvo)
- izvršiti javnu prezentaciju rezultata rada

Korisnik sredstava je kantonalno šumsko-gospodarsko društvo, kome je povjereno gospodarenje državnim šumama na području Srednjobosanskog kantona, koje će prijedlog zahtjeva za sufinansiranje kandidirati preko kantonalnog Ministarstva poljoprivrede, vodoprivrede i šumarstva-Kantonalne uprave za šumarstvo, uz obavezu zaključivanja ugovora.

### **D. REALIZACIJA I NADZOR:**

Nadzor nad namjenskim korištenjem navedenih sredstava, vršiti će Ministarstvo poljoprivrede, vodoprivrede i šumarstva putem Kantonalne uprave za šumarstvo.

Travnik, 31.07.2018. godine.